

Penduduk asrama empat universiti ditawar jalani ujian percuma Covid-19

NUS *NTU* *smu*

Dec 13, 2020 | 06:40 PM

  



 NTU dan SMU berkata, ia akan menggunakan Ujian Pantas Antigen. - FOTO: Fail

PENGHUNI asrama di empat universiti setempat akan ditawarkan menjalani ujian Covid-19 secara percuma pada Januari.

Kementerian Pendidikan (MOE) berkata, ujian itu adalah bagi penghuni asrama di Universiti Nasional Singapura (NUS), Universiti Teknologi Nanyang (NTU), Universiti Pengurusan Singapura (SMU) dan Universiti Teknologi dan Rekaan Singapura (SUTD).

Langkah ini diambil, "berdasarkan sekitaran kehidupan komunal dan padat yang boleh menyebabkan risiko penularan masyarakat yang tinggi," kata MOE, yang menggesa agar pelajar menjalani ujian itu, lapor The Straits Times (ST).

Seorang jurucakap MOE berkata, sehingga kini, tiada rancangan bagi melanjutkan ujian kepada semua kakitangan dan pelajar. Kementerian Pendidikan dan Kesihatan Kesihatan mungkin akan pertimbangkan untuk melaksanannya pada masa depan, jika perlu.

Beliau berkata, butir terperinci mengenai ujian berkenaan akan dikongsi bersama para pelajar.

Kedua NTU dan SMU memaklumkan pelajar mereka menerusi e-mel atau surat pekeliling dalam talian bahawa ia akan menggunakan Ujian Pantas Antigen dan mereka yang diuji positif perlu menjalani ujian Reaksi Rantaian Polimerase (PCR) untuk mengesahkan keputusan mereka.